

**ՀԱՇՄԱՆԴԱՄՈՒԹՅՈՒՆ ՈՒՆԵՑՈՂ ԱՆՁԱՆՑ ՀԱՐՑԵՐՈՎ ԶԲԱՂՎՈՂ
ԱԶԳԱՅԻՆ ՀԱՆՁՆԱԺՈՂՈՎԻ 2013 ԹՎԱԿԱՆԻ
ՀՈԿՏԵՄԲԵՐԻ 11-ԻՆ ԿԱՅԱՑԱԾ ՆԻՍՏԻ**

ԱՐՁԱՆԱԳՐՈՒԹՅՈՒՆ N 17

ՕՐԱԿԱՐԳ

1. Առողջապահության համաշխարհային կազմակերպության ֆունկցիաների միջազգային դասակարգումը որպես հաշմանդամության սահմանման և ծառայությունների պլանավորման գործիք.

2. Տավուշի մարզի Իջևանի տարածաշրջանում Առողջապահության համաշխարհային կազմակերպության հաշմանդամության գնահատման գործիքներով իրականացված հետազոտության արդյունքների ներկայացում.

3. Առողջապահության համաշխարհային կազմակերպության ֆունկցիաների միջազգային դասակարգման (ICF-CY) սկզբունքներով և գործիքներով երեխաների կարողությունների գնահատման մեթոդները ՀՀ կրթության բնագավառում.

4. «Անձի բազմակողմանի գնահատման՝ ԱՀԿ ֆունկցիաների միջազգային դասակարգման սկզբունքների վրա հիմնված հաշմանդամության սահմանման մոդելի ներդրման» հայեցակարգի նախագծի ներկայացում.

Մասնակցեցին՝

Ա. Ասատրյան՝ ՀՀ աշխատանքի և սոցիալական հարցերի նախարար, հաշմանդամություն ունեցող անձանց հարցերով զբաղվող ազգային հանձնաժողովի նախագահ

Հանձնաժողովի անդամները՝

Զ.Բաղդասարյան - ՀՀ աշխատանքի և սոցիալական հարցերի նախարարի տեղակալ

Մ.Մկրտչյան - ՀՀ կրթության և գիտության նախարարի տեղակալ

Հ.Աբրահամյան - Հայաստանի հաշմանդամների «Փյունիկ» միության նախագահ

Ա.Ալավերդյան - ՀՀ առույկ կարիքներով մարդկանց աջակցության «ՈՒՆԻՍՏՆ» հասարակական կազմակերպության նախագահ

Ս.Թադևոսյան - ՀՀ «Հույսի կամուրջ» հաշմանդամ երեխաների և

երիտասարդների իրավունքների պաշտպանություն»
հասարակական կազմակերպության նախագահ

- Լ. Ներսիսյան - «Աստղիկ» հաշմանդամ երեխաների ծնողների ասոցիացիա»
հասարակական կազմակերպության նախագահ
- Ս. Օհանյան - «Հաշմանդամների «Փարոս» կրթության և մշակույթի
զարգացման կենտրոն» հասարակական կազմակերպության
նախագահ
- Ս. Մաղաքյան - «Լիարժեք կյանք» հասարակական կազմակերպության
նախագահ
- Գ. Գրիգորյան - «Հայաստանի խուլերի միավորում» հասարակական
կազմակերպության նախագահ
- Ա. Հակոբյան - «Հայաստանի կույրերի միավորում» հասարակական
կազմակերպության նախագահ
- Ա. Կեսոյան - ՀՀ աշխատանքի եւ սոցիալական հացերի
նախարարության աշխատակազմի հաշմանդամների և
տարեցների հիմնահարցերի վարչության պետ
(հանձնաժողովի քարտուղար)

Հաշմանդամություն ունեցող անձանց հարցերով զբաղվող ազգային
հանձնաժողովի անդամների առաջարկությամբ նիստին մասնակցել են՝

- Ռ. Բալասանովա ՀՀ ֆինանսների նախարարության աշխատակազմի
սոցիալական պաշտպանության և առողջապահական
բնագավառներում բյուջետային ընթացիկ ծախսերի
ֆինանսական ծրագրավորման բաժնի գլխավոր մասնագետ
նախարարի առաջին տեղակալ Պ. Սաֆարյանի առաջարկով
- Ռ. Յուզբաշյան - ՀՀ առողջապահության նախարարության աշխատակազմի
առողջապահական ծրագրերի և որակի կառավարման
վարչության, առողջապահական ծրագրերի բաժնի պետ
նախարարի առաջին տեղակալ Վ. Պողոսյանի առաջարկով

Հրավիրվածներ՝

Հ. Հակոբյան	ՀՀ Ազգային ժողովի սոցիալական հարցերի մշտական հանձնաժողովի նախագահ
Ռ. Սիմեոնսոն	ՄԱԿ-ի մանկական հիմնադրամի փորձագետ, Հյուսիսային Կառուլինայի համալսարանի հոգեբանության և վաղ մանկական կրթության բաժնի պրոֆեսոր, WHO ICF-CY աշխատանքային խմբի ղեկավար
Ա.Սիմոնյան	ՀՀ բժշկասոցիալական փորձաքննական գործակալության պետի տեղակալ
Է.Գրիգորյան	ՀՀ բժշկասոցիալական փորձաքննական գործակալության իրավական ապահովման բաժնի պետ
Ն.Մնացականյան	ՀՀ բժշկասոցիալական փորձաքննական գործակալության վերափորձաքննության բաժնի գլխավոր մասնագետ
Հ.Պողոսյան	Աշխատանքի և սոցիալական հետազոտությունների ազգային ինստիտուտի տնօրեն
Ա.Մինասյան	ՀՀ ԱՍՀՆ Սոցիալական աջակցության վարչության պետ
Լ.Ղազարյան	ՀՀ ԱՍՀՆ Ընտանիքի, կանանց և երեխաների հիմնահարցերի վարչության պետ
Թ.Ավետիսյան	ՀՀ ԱՍՀՆ Աշխատանքի և զբաղվածության վարչության պետ
Հ.Մուրադյան	ՀՀ ԱՍՀՆ Վերլուծության և մոնիթորինգի վարչության պետ
Մ.Երիցյան	<<Առբես>> կենտրոնի վերականգնողաբան
Վ.Կատինյան	Երևանի բժշկահոգեբանամանկավարժական գնահատման կենտրոնի տնօրեն
Ս.Ժամկոչյան	Վատ լսող երեխաների մայրերի <<Հավատ>> հասարակական կազմակերպության նախագահ

Հաշմանդամություն ունեցող անձանց հարցերով զբաղվող ազգային հանձնաժողովի հերթական նիստին բացման խոսքով հանդես եկան ՀՀ աշխատանքի և սոցիալական հարցերի նախարար, հանձնաժողովի նախագահ Արտեմ Ասատրյանը և ՄԱԿ-ի մանկական հիմնադրամի Հայաստանյան ներկայացուցիչ Հենրիետ Աիրենսը:

Հանձնաժողովի նախագահը ներկայացրեց նիստի օրակարգը և նշեց, որ օրակարգում ընդգրկված հարցերը արդիական են և առաջիկա կարճ ժամանակահատվածում լուծումներ են պահանջում:

Օրակարգի առաջին հարցի վերաբերյալ զեկուցեց ՄԱԿ-ի մանկական հիմնադրամի փորձագետ, Հյուսիսային Կառուլինայի համալսարանի հոգեբանության և վաղ մանկական կրթության բաժնի պրոֆեսոր, WHO ICF-CY աշխատանքային խմբի ղեկավար Ռունե Սիմեոնսոնը:

Նա ներկայացրեց Առողջապահության համաշխարհային կազմակերպության ֆունկցիաների միջազգային դասակարգումը՝ որպես հաշմանդամության սահմանման և ծառայությունների պլանավորման գործիք, ինչպես նաև դիտարկումներ կատարեց հայեցակարգի նախագծի վերաբերյալ՝ ֆունկցիաների միջազգային դասակարգման (ICF-ի) գաղափարախոսության տեսանկյունից: Պարոն Ռ. Սիմեոնսոնը հայեցակարգը մշակող աշխատանքային խմբի հետ աշխատում է երկար ժամանակ, նա իր դիտարկումներն է ներկայացրել նաև «Անձի պահպանված աշխատունակության աստիճանի որոշման հիման վրա հաշմանդամության սահմանման մոդելին անցնելու հայեցակարգի» վերաբերյալ, պարզաբանելով այդ մոդելից բխող ռիսկերը և խնդիրները: Մինչ նիստը, ՄԱԿ-ի մանկական հիմնադրամի աջակցությամբ աշխատանքային խումբը մասնակցեց մեկօրյա սեմինարի՝ պարոն Ռ. Սիմեոնսոնի հետ քննարկելով հայեցակարգային մոտեցումները:

Պարոն Հ.Հակոբյանը հարց բարձրացրեց, թե որ երկրներում է կիրառվում ICF-ը և որ երկրների փորձը կարելի է կիրառել Հայաստանի Հանրապետությունում:

Ռ.Սիմեոնսոնը նշեց, որ Հայաստանում ICF մոդելի կիրառման համար ամենալավ օրինակը Թայվանն է: Նա համառոտ ներկայացրեց նաև Թայվանի փորձը:

Այդ ծրագրերն իրականացվել են Իտալիայում, Գերմանիայում, Բելգիայում, Շվեյցարիայում, Նորվեգիայում, Իսպանիայում, Չեխիայում, Իռլանդիայում, Սլովենիայում, Ռումինիայում, Պորտուգալիայում, Լյուքսեմբուրգում, Ավստրիայում, Ֆինլանդիայում, Հունգարիայում, Մեծ Բրիտանիայում, Ֆրանսիայում, Շվեդիայում, Լեհաստանում, և այլն: Այդ երկրներում ՖՄԴ-ը լայնորեն կիրառվում է սոցիալական քաղաքականության մշակման, խտրականության դեմ օրենքների մշակման և հաշմանդամության գնահատման համար: ՖՄԴ հիմքով իրականացվում են առողջապահական և հաշմանդամության գնահատման և ազգային և միջազգային հետազոտություններ:

Հարց բարձրացրեց նաև պարոն Լ.Ներսիսյանը, նշելով, որ ներկայացված մոդելում նշված չէ հաշմանդամ երեխաների ծնողների կամ նրանց խնամողների մասին տեղեկատվություն:

Ռ.Սիմեոնսոնը նշեց, որ երեխաների համար մշակված է նոր տարբերակ՝ ICF-CY, որտեղ առանձին գլուխներում տրված են երեխայի և ծնողի մասին

տեղեկատվություն: Առանձնահատուկ ուշադրություն է հրավիրված նաև երեխաների կրթությանը, ընտանիքում նրանց լիարժեք կյանքի կազմակերպմանը:

Ռ.Սիմեոնսոնին հարցով դիմեց տիկին Ռ. Յուզբաշյանը՝

Արդյոք ICF-CY-ը հնարավորություն է տալիս ծառայությունների մատուցման կամ հաշմանդամության նպաստի հարցը քննարկելիս տարբերակում դնել ըստ երեխայի ընտանիքի ֆինանսական ապահովության:

Ռ.Սիմեոնսոնը նշեց, որ ICF-ը թույլ է տալիս, որպեսզի երկրներն իրենք որոշեն հաշմանդամության շեմը և ըստ այդմ որոշեն ծառայությունների տեսակները:

Օրակարգի երկրորդ հարցի վերաբերյալ

Ձեկույցով հանդես եկավ USAID/PRIP, Կարողությունների զարգացման թիմի ղեկավար տիկին Հ.Ղուկասյանը: Նա ներկայացրեց Տավուշի մարզի Իջևանի տարածաշրջանում Առողջապահության համաշխարհային կազմակերպության հաշմանդամության գնահատման գործիքներով իրականացված հետազոտության արդյունքները:

Պարոն Հ.Հակոբյանը հարց բարձրացրեց՝ արդյոք Հայաստանի Հանրապետությունում անձին հաշմանդամ են ճանաչում բժշկասոցիալական, թե առողջապահական սկզբունքներով: Հաշմանդամություն որոշելու համար Հայաստանի Հանրապետությունում արդյոք ICF-ի մոդելը անհրաժեշտ է կիրառել թե ոչ, այսինքն՝ <<այո>> այս մոդելին, թե ոչ:

Տիկին Հ.Ղուկասյանը նշեց, որ Հայաստանի Հանրապետությունում մինչ այժմ կիրառվում է բժշկա-առողջապահական սկզբունքը: Մոդելի կիրառելը նպատակահարմար է հաշմանդամություն որոշելու համար:

Արտահայտվեցին՝ Ա.Ասատրյանը, Զ.Բաղդասարյանը, Ս.Թադևոսյանը Պարոն Ա. Ասատրյանը նշեց, որ հայեցակարգի քննարկման փուլում պետք է ճիշտ սահմանել խնդիրները, տալ խնդիրների լուծումը և քայլերի հաջորդականությունը:

Տիկին Զ.Բաղդասարյանը նշեց, որ Հայաստանի Հանրապետությունում մոդելի ներդրումը ճիշտ է: Նա նաև պարզաբանեց, որ գործող մոդելը հնարավորություն չի տալիս սահմանել մինչև 18 տարեկան երեխաների հաշմանդամությունն ըստ ծանրության աստիճանների: Նրանց համար սահմանվում է «հաշմանդամ երեխա» կարգավիճակ և նրանք ստանում են նույն ծառայությունները, անկախ այն բանից դրա կարիքն ունեն, թե ոչ: ICF-ը հնարավորություն է տալիս յուրաքանչյուր անհատի համար, ելնելով նրա կարիքներից, որոշել և տրամադրել հասցեական ծառայություններ, որը կնպաստի նրանց կարողությունների հզորացմանը:

Տիկին Ս. Թադևոսյանը նշեց, որ ICF-ը հիմք է հանդիսանում երկրներում հաշմանդամության սոցիալական մոդելի ներդրման համար, այն անձին դիտարկում է ոչ թե առողջության կամ առողջական խնդիրների տեսանկյունից, այլ անձի ակտիվության և մասնակցության: Նա նույնպես նկատեց, որ ICF-ը հնարավորություն է տալիս երկրին որոշելու հաշմանդամության շեմը:

Երրորդ հարցի վերաբերյալ

Ձեկույցով հանդես եկավ Երևանի բժշկահոգեբանամանկավարժական գնահատման կենտրոնի տնօրեն տիկին Վ.Կատինյանը: Նա ներկայացրեց Առողջապահության համաշխարհային կազմակերպության ֆունկցիաների միջազգային դասակարգման (ICF-CY) սկզբունքներով և գործիքներով երեխաների կարողությունների գնահատման մեթոդները << կրթության բնագավառում:

Պարոն Լ.Ներսիսյանը հարց բարձրացրեց, արդյոք 0-3 տարեկան երեխաների կարողությունները գնահատվում են:

Տիկին Վ.Կատինյանը նշեց, որ մինչև 3 տարեկանը երեխան չի համարվում կրթության տարիք, հետևաբար կենտրոնը նրանց կրթական կարիքի գնահատում չի իրականացնում: 0-3 տարեկան երեխաների համար մշակված է հարցաշար, որը լրացվում է ծնողի կողմից:

Չորրորդ հարցի վերաբերյալ

Զեկույցով հանդես եկան ՀՀ ԱՍՀՆ հաշմանդամների և տարեցների հիմնահարցերի վարչության, հաշմանդամների հիմնահարցերի բաժնի գլխավոր մասնագետ Ա.Հակոբյանը և ՀՀ ԲՍՓ գործակալության պետի տեղակալ Ա.Սիմոնյանը:

Ներկայացրեցին «Անձի բազմակողմանի գնահատման՝ ԱՀԿ ֆունկցիաների միջազգային դասակարգման սկզբունքների վրա հիմնված հաշմանդամության սահմանման մոդելի ներդրման» հայեցակարգի նախագծը:


Պարոն Հ. Հակոբյանի հարցին, թե այսօր Հայաստանում անձին հաշմանդամ ճանաչելու չափանիշների հիմքում դրված է սոցիալական, թե բժշկական գործոնը, տիկին Ա. Սիմոնյանը պատասխանեց, որ հիմքում դրված է բժշկասոցիալական գործոնը, անձի առողջության խաթարման, վնասվածքի կամ հիվանդության հետևանքով առաջացած կենսագործունեության սահմանափակման աստիճանի որոշումը:

Ամփոփելով օրակարգում ներկայացված հարցերը, հանձնաժողովի նախագահը հանձնարարեց 10 օրյա ժամկետում, լրամշակել հայեցակարգի նախագիծը, ապա ներկայացնել Հաշմանդամություն ունեցող անձանց հարցերով զբաղվող ազգային հանձնաժողովի անդամների կարծիքին:

**Հաշմանդամություն ունեցող անձանց
հարցերով զբաղվող ազգային
հանձնաժողովի նախագահ՝**

 **Ա.Ասատրյան**

Հանձնաժողովի քարտուղար՝

 **Ա.Կեսոյան**